



浙江圖書館



915.1244
20541



浙江圖書館





浙江圖書館

85年清點




浙江圖書館

54.13



浙江圖書館



浙江圖書館

乾隆丁卯年鑄

龍

山清

江圖書

道

觀

志

古句章劉拙翁編輯

館

浙本觀藏板



浙江圖書館

龍山清道觀志序



觀故無志者其軼時見於他說前
明大理寺卿夏公則有重建清道
觀記先御史損之公則有天開圖
畫記副史王公則有蓬萊軒記御
史顏公則有重修清道觀碑記

昭代以來佟我諸公俱各有記亦既
詳哉言之矣有記即可無志而是
志之設不亦贅與不知記以分紀
其事而志以兼總其成如志內所
載山水志建置志古蹟志靈異志
遊寓志修真志饗祀藝文諸志亦

既考核必詳而千百年來譜紳先生登高舒嘯臨水賦詩以歌咏其盛者更復表章無遺不致有斷簡殘篇零落散失之虞則是志之為功於將來者遠也其又書贊之有今上御極之七年

詔修天下一統全誌甚盛典也邑令

楊侯奉

館

命修輯慈谿縣誌聘邑博士拙翁劉

天相分校余不敏亦謬總其成今

邑誌告就而劉子復以餘暇旁及

清道觀志蓋以補邑志之所未及

也其文瞻其事嚴行見上之於
朝以昭一統之盛仰副

聖朝幽贊神明錫福萬姓至意文豈

僅一邑山水之美足為士人遊覽

而已哉羽士守恒余族弟也謹守

清規方將繼其先業而大之以余

前山清道... 卷首

向嘗同襄邑志致書問序予不敢

辭謹書數語於簡端云

雍正十一年癸丑十二月吉旦

賜進士第文林郎直隸樂亭縣知縣

里人馮鴻模撰



龍山清道觀誌題詞

昔大禹治水會諸侯於會稽封其山為
南鎮慈絜隸古越為寧波屬孫有六而
慈兼五孫之勝治東二里有龍山兼一
縣之勝儼與南鎮並為羣望余家三孫
玄浙東遠慈未睹山水隄為比出知嵎
孫得南鎮果異甲寅秋調任慈邑遇公

事詣清道觀祀神東嶽又睹龍山之勝
竊念字內神仙薈會必有異人如葛圓
陶宏景者願求之於今余非異人未易
知人之異求之於古余將誰質之之山
靈山靈無言質之焉乘邑乘不詳余將
將誰質哉茲戊午七月羽士馮守恒以
邑博士劉子天相編輯龍山觀志就余

折衷余闕志載不之前古異人踪跡根
不生其時揖讓進退其間耳劉子囊括
斯觀先後成書其言約而該質而雅其
紀事記文皆有辭而有要其著天開國
畫一賦堪与晉孫綽天台山賦並擲地
作金石刻而勒善德惠劉子光致嘉焉
余於是不獨欣賞其文將事教亦嘉其



是以夙世屬修也洞天福地者在斯宇
其在斯宇

乾隆三年歲在戊午秋七月既望

特授文林郎知慈訪兩事加一級紀錄二

次三韓傳珪題

江



龍山清道觀志畧

邑龍山道觀自唐天寶以來故無志

國朝康熙壬辰主山張鍊師繼祖厲余倡
之時余纂脩族譜辭焉歷雍正己酉其
徒馮道會守恒請竟其師之未竟時邑
侯楊公延脩慈谿縣志未暇比竣適
撫藩二憲有省志之聘將就道以疾勿

獲應已病愈道會迎館圖書廳東樓時
壬子五月既望也蒐討故典止前明諸
縉紳先生碑記未得其詳遂詢之道會
暨二三老友復旁考前人流傳論說酌
其可信者分類以書編卷為八首山水
次建置次古蹟又次而靈異而遊寓而
脩真而饗祀

文焚膏繼

矻矻討論

至冬而稿始脫歲春復加刪補書成未
刻十年餘矣余思天下郡縣之志工為
文者什伯名山記載即以吾郡論之宋
乾道州將張津之四明圖經吳正肅潛
之慶元正續志胡判府槩之寶慶志袁
學士楠之延祐志元王總管元恭之至
正續志明黃僉事潤王之簡要志楊博


士寔之成化志張司馬時徹之嘉靖志
名人後先相望其書為郡邑志乘冠三
若海內名山山史載筆之良寥寥無幾
况弁鄙無文如余者哉而猶不憚搖唇
鼓舌記故有之事述故有之文為斯觀
後世羽流考鏡毋乃貽識者笑而不知
余之不容已者蓋恐負生平之然諾非

敢言志又奚敢頡頏名人郡縣之志耶
茲道會懼久而散失啟傳疑附會之訛
亦患簡蠹編殘莫可徵信鯁鯁請稿鋟
版山中余嘉其為後世計至深遠尤嘉
不忘其師之志焉未逮也謹書編輯大
略附弁簡首授梓以俟後之人嗣而損
益之庶斯觀之不朽歟

乾隆十二年歲在丁卯三月上巳日

古句章東溪拙翁劉天相吉士氏書

於龍山圖畫廳



浙

圖

龍山清道觀志目錄

卷之首

序

題詞

志略

卷之一

山水志

卷之二

建置志

附法產

浙江圖書館

龍山清道觀志目錄

目錄

卷之三

古蹟志

卷之四

靈異志

卷之五

遊寓志

卷之六

修真志

卷之七

附錄

附錄

館

書

圖

江

浙

饗祀志

卷之八

藝文志

附復山地榜

浙江圖書館

虎山青魚觀志卷之八 目錄

浙江圖書館藏



浙江圖書館

龍山清道觀志卷一

山水志

甬東形勝四明山為最其壤約餘八百里上有石窓石
牀之異邑東北天柱峰其分支也城東二里有龍山源
自柱峰蜿蜒而至唐天寶八年建東嶽行宮於山半其
山左獅巖右鵬塔面繞重江背環疊澗而西南諸峰朝
拱煙雲上下尤絕勝不可名狀層巒真稱丹山赤水而

龍山嗣法馮守恆心一校

東溪山人劉天相吉士編



外別有神仙窟宅其信然哉志山水

官山

館

龍山四面皆沙土獨神宮所都中峯上下多奇石偃仰
 參差星羅碁布有若蜀郡八陣圖之異山以神而著神
 以石而靈孫綽天台山賦所謂融而為川瀆結而為山
 阜蔭牛宿以曜峰託靈越以正基洵一邑之奇觀也
 宮前塔山一名龍尾山自山門靈官殿循級而下至云
 亭形如龍尾盡夾田之北仰視宮山若龍之昂首於上
 而塔山為尾以應蓋宮之護沙云

宮左竹山花木環繞又有荷池菱沼環繞園林宛然仙
界

館

宮右琴山東接張過嶺有小橋流水亭榭竹樹之美

又半塘灣纖塵不到清氣逼人
有溪雲渡斷橋之勝所

謂別有天地非人間也

圖

又湯山上有仙人洞前人題咏甚多

東二里獅子山形如獅踞為宮之青龍

西三里大寶山為宮之右衛相傳昔有神女棲息夜聞

紡織聲元趙偕嘗築寶峰書院其上

南八里赭山又名紫磬山臨江土赤元稹漢炎詩江流

曲似陽冰篆山色丹於勾漏砂與宮對案

北二里馬嶺山內通嶼湖有天馬騰空之勢宮北藉其

砥柱

書

東南一里管山臨江甃石建亭下有巨石浸水中隨潮

盈縮隱露為宮之前障

江

又二里白龍潭山泉流巖下有龍潛焉旱禱輒雨為宮

之應山

浙

西南五里鵬山明邑令霍與瑕以兑位稍陷甃石建塔

於上瞻眺在目

東北四里東縣嶺山盤旋紆折為宮山分派處

西北二里浮鱉山又名浮碧唐令房公瑄遷縣建治於此五行屬土宮居木位有相助之功

又二里闕峰山吳太傅闕公澤居其下前有闕湖對照宮山坎方

又三里西縣嶺山陡峻傾削與石刺嶺山相比為宮西北馮翼

巖

仙掌巖宮東相傳石壁上有仙掌草如人掌故名

虎巖宮西昂頭雄視如欲飛騰而下

疊帶巖宮南形類疊帶

卧雲巖宮北常有白雲卧於其上

石

圖

坐龜石在宮內儀門側石碑坐龜也石氣清冷或云以

手撫摩可無手汗歲久石愈光潤

象石在圖畫廳東樓下獐獐之狀宛然如象

尺木石宮左龍有尺木則能昇天石形肖之

陣圖石宮右踈踈密密勢若列陣

鯀飛石宮西如鳧鳥之雙飛而並集

龍鱗石在云亭前點點如鱗或云天設奇石以護靈壇
其信然耶

鳧魚石宮南山麓相比上圖一若鳧之欲飛一若魚之

欲躍

碁盤石宮北相傳昔有仙人對奕石上旋化鶴去

石窩在文昌閣前宋時有道者煉丹其下

石壁宮西每風晨雨夕有銀濤瀑布滾滾而下若天河

之傾瀉土人稱為山頭浪起

石甃在塔山長七八尺春和景明每有野仙列坐其上

去而踪跡之乃知其為仙云

井

丹井宮左竹園內久旱不涸

道藏井宮西路側紺碧甘美官井隔數十武味並佳

池

硯池在塔山深廣尺餘水甘不竭世傳葛仙翁過此取

水滴硯作字潭影空人心於斯可證也

河

宮前天門外有河石帶右通大江左入城河潮汐往來
宮前第一條活水也

江

書

宮前河外曰後江東由夾田江至茅洲關達鎮海西歷

三板太平江抵上亭達餘姚又夾田稍南歷管山江抵

西渡達鄞縣纏繞宮河之左為宮前第二重水

後江之外曰前江自蛟門歷李碑青林抵西渡赭山黃

墓諸處與後江之水匯合文亭分流前後為宮前第三

重砥障

後江與宮附近前江與宮稍遠然自宮頂望之船去
舡來波平波起宛如圖畫所謂欲窮千里目更上一
層樓也

橋

圖

夾田橋東南二里宋皇祐間建天啟間重建邑令李逢
申有記

太平橋西南四里明嘉靖間建萬曆壬午重建
三板橋西南三里

三橋紫而為級舒而為洞敞而為門石欄環繞為輔
跨江昂築森峙官前壯神居之勝槩而潮汐往還澎
騰奔激恍與暮鼓晨鐘迭相呼應樓觀滄海日門聽
浙江潮寰宇雄觀不獨西湖靈隱也

浙江圖

浙江圖書館藏書



浙江圖書館

龍山清道觀志卷二

東溪山人劉天相吉士編

龍山嗣法馮守恒心一校

建置志

龍山東嶽行宮自唐天寶八年創建而後新於宋紹興八年提點葉景虛改於至元二十四年再造於明洪武十四年改宮為觀易名清道歷宣德成化嘉靖數朝羽流王智靜吳以誠曹道昕顧洞明諸人先後修補缺畧萬曆時典守不得其人觀幾廢邑人延郵報德觀余起

龍主之賴龍郡丞捐貲葺宮贖還山地重興香火遞傳
至國朝張道會繼祖重建一新其徒馮守恆踵事增
華於後斯觀自唐至今歲歷千餘改更不一其人其事
雖俱已徃而流傳規制猶班班可考也志建置

建置



東嶽宮

康熙辛酉張繼祖拓基重建併樓閣亭榭諸處
乾隆甲子徒馮守恆鼎新捲蓬重築統級

聖母宮

碧霞宮

浙

五陽宮

文昌宮
古蓮萊

天后宮

雷祖殿

真武殿

道藏殿

天師殿

斗母殿

關帝殿

水神殿



浙江圖書館

皇十帝道見
建置

藥皇殿

千王殿

它山殿

曹大將軍殿

大神殿

三元殿

太歲殿

馬元帥殿

趙元帥殿



浙江圖書館

濫元帥殿

岳元帥殿

已上官殿俱
張繼祖重建

靈官殿

雍正庚戌馮
守恒重建

符官閣

雍正庚戌
馮守恒建

送子娘娘殿

鐘樓

雍正乙卯馮守恒建
乾隆
戊午募資鑄造大鐘懸擊

鼓樓

與鐘樓同
時建設

五皇樓

乾隆庚申馮守恒建
上供
玉皇下為先覺堂

保產祠

館書圖

見志卷之三建置

眼光祠

張仙祠

痘神祠

土地祠

龍公祠

圖畫廳

小洞天

山高水長

凝翠軒



浙江圖書館

朝陽軒

烟霞居

云亭
古名半山亭



松行

天門坊
舊為木坊宋尚書樓鑰題曰列仙遊館後圯改不坊榜曰天門成化間陳益有蓬島仙人遊館處太師樓鑰舊題名之

附法產

龍山嶽宮法產流傳無幾

國朝康熙間張道會繼

官書圖



祖增設田畝耕作以供祀事雍正間徒馮守恒又增其
制別有冊不贅官山東至麓西至張姓墓後南接塔山
北界秦氏墳山計共三十伍畝有奇明郡同知龍公德
孚署篆各瘞石為限又詳免產業丁徭襍派永為例其
神道自山門循級而下向南一帶直達天門坊古名松
行寬濶俱壹丈伍尺旁俱田宋時疊石監基旁下炳刻
舊牒山中所鍾毓別無奇卉異植置弗錄

龍山清道觀志卷三

東溪山人劉天相吉士編

龍山嗣法馮守恒心一校

古蹟志

書

龍山古蹟歲久莫睹茲據前人所載暨故老指點書其
大畧曷勝漢書丞相府賓館邱虛而已之喟物換星移
何從起已往之人問已往之事一一證若指掌哉亦古
蹟

古蹟

山北有石如門唐乾元間有異人叩石門開取九莖靈芝而出不知所之至今石上手蹟宛然

三隱居相傳大歷時有三人偕隱一稱道隱居山北額曰絕塵軒一稱性隱居山南額曰楫拙窩一稱心隱居山脊題曰清露軒各居一室久廢

貞元時宮北巘下忽生瑤草有鶴巢於其上鶴去草亦無存其壤至今凡卉不植元人倪瓚有辭

宋開寶時有道者築亭宮東吟哦其間聽松濤聲沸如同倡和因額曰松笙道院又名瞻雲軒後改蓬萊軒

二友居在宮後薄仙間修真者植松竹為二友值月夕
花朝每赤脚踏坐聽松濤竹籟自謂羲皇上人又擬所
居為不夜城圮

半山亭在龍山之半又名煮石山房紹興時吳點葉景
虛煉真之所嘗書亭下不逢人夕陽淡秋影之句自貺
今改名云亭

宮東山麓有小河一帶迴繞在未開管山江時為往來
通道岼傍桃李芳菲河有荷渠菰葦之屬寶祐五年吳
濬開江漸塞幽勝勿復見已

塔山之阿舊有東山道院區曰真聖觀為雲水往來息
肩之地後圯元至元時併於本觀至治間神殿卸塌一
日風雨暴至有壓自宮北躍起破空入江其起處為窟
虎旋穴焉以土蓋之仍化為窟至今無異

宮東有古碑三座一隸書二篆文世傳唐宋元三朝名
人碑記篆碑漸滅隸碑僅存一半在宮北計共二百六
十三字吉光片羽猶見先民法物云

至道崇壽二宮建造唐宋明洪武間併收二宮名清道
觀載舊縣志

按二宮一縣西南三十里一縣西北五十里與本觀
相隔甚遠至道宮久廢崇壽宮至今尚在舊志云併
收豈別有道院亦名至道崇壽而併收於觀者乎以
俟考証

宣德間羽士王智靜構茅屋山巔顏曰天光雲影日焚
香悟空其中已廢

候仙館古道者煉丹處明成化時吳以誠改樓貯道書
正統間有二道者講運氣之術入觀寒暑不出各就所
居一慕葛圓署曰丹邱一倣陶宏景書曰丹室歲遠無

存

蓬萊軒臨坡負崖上屏窳竹下多桂柏歲終之植為道士煉丹之室後圯明嘉靖間道會顧洞明重新之王鏊有記康熙丁卯張繼祖改為樓塑文昌像於上

宮西有古松一株高插雲表不知何時所植明隆慶時忽化為石世傳永康延真觀唐道士馬自然指處松曰此松已三千年當化為石至夕果化

凝翠軒右明萬曆間余煉師清所植有海棠香氣異常閱地圖綜要載滇南榮昌號海棠香國豈其種耶師沒

樹枯

塔山硯池相傳其水病者飲之即愈稽古抱朴子稱興安廖家丹井飲之多壽硯池水可以愈病亦益壽良藥也

宮前階下有古柏二株東西分列亭亭鐵幹有特立不回之槩萬曆時所植 國朝康熙丙子張繼祖種松木各一為輔立石於下榜曰秦松漢栢

附名人墨蹟

祝允明字枝山手卷一軸

梅花詩十首康熙年間劉姓助

龍德孚字伯貞字兩幅一卷

清道觀留別父老詩

倪元璠字鴻寶字一幅

薛應旂字仲常字一幅

姜宸英字西溟字一幅

浙江圖書館

龍山清道觀志卷四

東溪山人劉天相吉士編

龍山嗣法馮守恆心一校

靈異志

四嶽享祀止于封壤獨東嶽祀遍寰海蓋以神之靈有資生育物捍禦災患功耳可畏哉志靈異

靈異

宋宣和時邑旱令沈時升禱於神四野沾足咸謂時升潔已愛民故神降之雨澤

元末宮左山麓池魚忽乘風雨飛樹上或曰昔晉吳諒
築魚塞湖亦有飛魚之異或曰反常為怪此神厭方氏
之兆未幾國珍奉版圖歸明

明成化二年自夏三秋三月不雨河渠池井盡涸邑令
龍伯禱神宮引罪自責滂沱大沛僉曰神佑其誠且鑒
其清白云爾

正德二年宮側山岡有巨石竟丈餘盤陀附巔阜一日
忽墮於田有聲如雷偃仆斷間人莫能舉或以為旱徵
次年果驗

嘉靖間夏六月苦旱令霍與瑕虔禱於神詰朝大雨已
而苦潦復虔禱乃霽禾稼倍收

嘉靖三十五年五月五日倭寇犯邑放火殺掠忽雷震
大震東方旌旗蔽日有赭衣赤面者執金鞭前導銳不
可當寇驚怖去保全生靈無算嶽將王元帥也

明萬曆己丑郡丞龍德孚署邑篆霪雨連月江湖溪水
奔溢德孚禱於神尋陽光四布人人歡呼得見天日

辛卯能郡丞以城再至宴諸紳於觀登眺後山忽卿
雲起西北五采絢爛籠蓋城頭咸謂國家瑞氣事具屠

隆碑記中

國朝順治間有李姓忤逆不孝一日謁神出山門見靈
官以金鞭擊之暴卒命稱報應不爽

康熙乙丑秋大旱稻禾枯槁邑令何琛憂廢寢食有告
之禱於嶽神者琛自邑治拜禱至宮未歸雨大沛稻禾
復甦尋病疫琛復禱之四境帖然

有士人某假托神仙降壇硃批觀中逋負多金責令生
者減半償之否則易人治事誅求無厭主急而訴之臺
省比歸而假神仙之說者已登鬼錄矣古云行詐必喪

身可鑒也

塔山遇三元八節及致齋之夕每有神燈現於巖壁土人稱為聖燈又夜聞金鞭擊山聲若雷霆人皆畏之邑人士答祀上下神祇啟建道場一日夜名曰大願主家及効力者夜深時或見珍幢而臨絳節而至或見騎龍騎虎乘鳳乘鸞或見金光滿地或見火焰連天或見紫霧騰空祥雲覆頂降現之事不一

山人桂芝瑛述其先余煉師言山中有虎朔望來朝詰旦視山門外蹄跡宛然

有婦劉氏性端莊父誠愛之贅壻姚景甘雍正壬子甘
病篤氏路拜神宮泣請身代已而夫愈氏忽死或曰感
通所致或曰於理未可遽信偶閱襄陽志載南漳縣何
氏額神保夫代死卒如所請與劉氏無異具見神之誠
求必應也

附祈夢靈應事蹟

圖

每歲冬至前後夕遠近齋宿祈夢歷有奇應不及備載
明楊方伯子器諸生時夢神與之棉花後歷官布政
袁相國熸未第時夢神將熸左眼刮懸樹上後為相是

夕有一人與煒同兆後業眼科名震於時兆同事異變
化不測如此

館

萬曆己丑郡丞龍公德孚夢神語曰汝官必顯汝壽必
長汝子必貴公問何神答曰吾本山嶽神也後遷南民
部郎歸里壽登大耋以子貴顯封陝西左布政神語一
一不爽

江

顏御史鯨值夜深山門已闔且大醉遂卧門外頃之邑
城隍至問何人醉卧從者曰顏御史神命避之時顏正
睡熟其僕歷歷見之後顏歷官御史

有林生業儒壯年不售夢鼓吹衣冠迎入東臯寺後嘉
靖丙辰倭寇燔宮墻寇息邑人移東臯寺中宇為學宮
林生以新弟子衣冠瞻拜始徵神異語具姚宗文重修
儒學碑記中

書

楊狀元守勤夢神授犬肉圖片後中萬曆甲辰狀元
姚解元元凱夢神與之三元匾後登天啟元年解元
有某為官案株累懼禍夢鼠頭戴帽行走神曰此事可
問陶會元詰旦至天門遇主僕一人見僕所題燭籠有
陶字記號急呼其主為會元具述神夢陶云鼠頭戴帽

乃竄字也須急走陶名望齡後果中會元

劉副使伯淵諸生時析示終身顯晦夢與福祿壽三星
並坐後伯淵位至憲副孫曾繞膝壽登百有三歲特是
存問

有廩士夢神授以三元及第四字自負此中三元後以
序貢選淳安教職蒞任見明倫堂檯上有商輅三元額
始信神夢之幻

宜君楊筠眉隨父出宰姚江詣宮求兆夢神語之曰中
舉中進士做官做御史督學在山西巡撫江南止後一

一皆驗

崇禎庚午鄉試前劉侍御勸祈兆夢中式也字號入闈
果驗是科舉子衆盛故場內編號千字文終卷蓋前定

云

書

周進士躍雷夢神語之曰鐘不鳴而中崇禎癸酉八月
永明寺災鐘燬躍雷鄉試中式

沈副使翹楚自記戊寅正月朔夜有語楚曰若病弱背
有不病之骨被人換去可憇之神曰憇誰曰玄壇(趙)夢
覺禱焉病寢移有驗

吳司訓孚中處州人雍正三年蒞慈未久罷官有惜之者謝曰吾嘗祈夢嶽神夢鯉魚入山吾家在萬山中吾字及魚罷歸乃係定數何惜焉

補遺

書

明洪武間邑士邵元長湛深慈湖心學事親孝一日父病詣神宮泣請代倦宿殿上夢神諭無他故愈以壽終邑學季仁壽作孝子傳美之元長子璧官主事

浙

浙江圖書館



浙江圖書館

龍山清道觀志卷五

東溪山人劉天相吉士編

龍山嗣法馮守恆心一校

書

遊寓志

海內縉紳士遊龍山者相盟於道山之為邑重也所從來矣夫山不期於神而神自棲焉神不期於人而人自至焉由今遡昔人有離山之日山無離人之時前此者不知幾人後此者又不知幾人也志遊寓

遊寓人物

吳越羅隱遊四明山抵神宮稱山水佳麗絕勝越東人
皆稱為定評

宋耕號雪溪家崇慶宋紹興中闈中令也好道雲遊入

丹山赤水之洞天者數年已聞斯觀提點葉景虛有道

法造訪焉與論先天後天太極圖說尋隱奉化雪竇之

欄平山中仙去

劉徽號蒙川永嘉人歲淳時明州制置使抵神宮諭所

屬曰東嶽為山川正神非浙祠可比不許剪伐樹木軍

馬騷擾極尊崇之至

趙孟頫字子昂宋藝祖裔孫至元中應詔入見世祖咨
訪治道命坐右丞李葉上孟頫詩文奇逸篆籀分隸真
行草皆妙絕天下嘗詣宮作碑記并書篆文

陸景龍字德陽號湖峯樵里人與定川陳仲章止觀中
有題楮松窩詩景龍在元時有聲譽

傅若金字與礪號玉樓新喻人授經筵講官詣觀追慕
大曆時道者高風賦清露軒詩美之

丁鶴年西域人元末避難四明寓東臯寺弗適已止觀
中日與羽士談元講道尋以母死歸武昌

戴良字叔能金華人元季荐拔提舉兵亂避難四方明
洪武六年南還隱邑嶼湖慕龍山之勝常往來賦詩志
感

倪瓚字元鎮號雲林梁溪人生元末海內雲擾避三泖
五湖間張士誠據吳不赴其聘以龍山山水幽勝假館
焉有憑吊宋道者瞻雲軒葉景虛煮石山房靈鶴辭諸
什

孫一元字太初閩中人通遊天下名山時有所得赤脚
散髮扣音石以歌抵邑寓東臯寺後止觀中每陟山巔

長嘯自謂身入蓬壺方丈一日題詩壁上不知所之
曇靈字夢堂少從金華胡翰遊得文章正傳洪武時以
高僧赴召還山詣神宮登崇巔指江山離落煙雲聚散
語道者曰世上悲歡離合作如是觀又曰明心見性三
教合一已歸象山瑞龍寺合掌而化
明洪武二十年信國公湯和經畧海上詣神宮嘆曰此
萬年香火也命所部叩首階下發金修飾神宇一時稱
為盛事

台州方正學孝儒少時與同郡王叔英遊龍山盤桓信

宿嘖嘖稱嘆山水之勝臨別題詩一首壁上歲久無存
相傳末二句云風霜滿道路牢踏脚根堅至今生氣猶

凜

薛應旂字仲常號方山武進人令邑以嶽神保障邑社
朔望行香必憑吊良久而後返

龍虎山陳善道號石泉南昌人從道仙源嘉靖間侍其
師雪嵯入朝授道籙司正一斯觀道會顧洞明其師故
交也師歿善道來訪與論老子玄之又玄史氏無為而
不為之旨反覆推勘善道心服所見如其師恨相見

之晚

屠隆字長卿號赤水又號緯真歷官儀部卽鄞人與余
煉師起龍為方外友至觀必盤桓久之隆詩文政治事
事方駕前人尤好道斯觀多賴其護持云

龍德孚字伯貞號玄扈湖廣武陵人明萬曆十四年同
知郡事己丑署邑篆謁嶽神見祠宇摧剝山地悉為勢
家所有嘆曰恭嶽雄鎮宇內載在祀典民所瞻仰也可
令蠹壞至此首捐金七十緡紳士民之慕義者咸樂輸
助正殿翼堂臺門亭榭以次修葺又建後殿山地亦贖

還本觀立石定界令住持余起龍耕作詳請優免丁徭
世蒙其利郡丞有德於民有功於神清淨為理而廢墜
畢舉邑人即龍山圖畫廳左為生祠事具張謙屠隆頽
鯨諸碑記辛卯以修城再至不三月工竣尋遷南戶部
即李義山贈杜牧之詩曰漢江遠吊西江水羊祐常丹
畫有碑可為郡丞之實錄

江

祝允明字枝山工詩精書法一日遊天童便道訪友至
慈登龍山縱談道德經五千言環門觀聽者僉稱開拓
心曾

黃汝亨字貞父，衢州人。歷官江西提學，與邑太僕卿劉憲寵同年進士。熹宗朝，同忤魏忠賢，罷職。慕邑龍山幽勝，過訪飲酒賦詩，多擊楫中流之感。與羽流講莊子道，逸遊咸為絕倒。

書

羅廩字高君，邑名士。與余煉師友善，相遇必數日始去。一日煉師請題聯龍郡丞祠，揮毫立就一畏壘思深碑。在山頭堪墮淚，武陵人往月明江上即真身。一龍去暮雲留碧落，鳥啼春色到瀟湘。一千秋桑楚垂青社，一縣桃花憶武陵。至今膾炙人口。國朝康熙間，老儒劉國

徵續題滿院花香醉碧草空庭碑淚濕青衫於後

汪文毅公偉字長源南直休寧人明崇禎時令慈聽事
之暇與邑姚元台諸名士集蓬萊軒瞻眺賦詩後擢翰
林簡討與夫人殉闖賊之難

馬法師勤人有驅邪禁厲秘傳無不驗能口噴活火以
陳法真有道氣常往來焉後以其法授之

牟大寅楚人也總戎定海慕嶽神之靈詣官肅拜時有
鼎新祠宇之舉隨捐金首倡贊畫其成後李郡守煦張
郡守星耀邑令何琛相繼維持皆繼總戎而起者也

龍山清道觀志卷六

東溪山人劉天相吉士編

龍山嗣法馮守恆心一校

修真志

書

道家有全真有正一其修也龍山羽客苦心磨鍊蒼崖丹竈者先後繫索猶見高風未墜云志修真

修真列傳

葉景虛宋紹興時人垂髫有嚮道之志入觀試經為道士日閱道書得洞經妙旨嘗與茅山蓑衣先生劉道懷

陶源靜被召詣闕高宗禮遇之固請還山授景虛慶元
道教提點時紹興十八年也歸而新其祠宇築半山亭
偃息與弟子論先天之學曰河洛之數先天之象維有
屈伸追退盈虛消息然皆以虛中為極虛其中則性立
性立則仁義中正定而天地萬物在我所論皆天下妙
理遠近仰之好救度人疾苦嘗語人曰一曲之士僅知
為已而功不加於人道不行於世始以自為而所以自
為者實少其弊至於絕物方士聞其風者翕然感悟忽
一日沐浴更衣趺坐而化異香滿室中人見乘鶴凌

峰而上其真有道者耶

曹秉忠棄家學道有幹濟才明洪武十四年併崇壽至
道二宮為一立為叢林皆秉忠區畫也滕公記之於石
永樂間夾田江橋崩潰行者病之秉忠修築其成存心
利濟道行高出儕輩以壽終

王智靜嗜經書沉靜不樂與世接時時焚香天光雲影
中氣骨飄然塵外明洪武中以道行制授提點主道會
修築圖畫廳禮部郎中武陵蔣廷輝書天開圖畫四大
字揭諸楣端馮益為之記歷宣德朝神宮凋敝山房偃

匿林樾間智靜與徒吳以誠鳩工重建前敞高真殿中
為五嶽後敞法堂視事未幾忽蟬蛻以誠竟師之志以
修築廊廡庖庫暨棲真之所候仙之館道侶憇息之室
鐘鼓法器靡不備訖成化戊子告竣夏時正為之記以
誠邑南赭山人卒五稔其徒曾道所重建山門續緒於
弗替道範如其師與其師之師焉

道會顧洞明博古明經由儒入道每意有所得輒登山
長嘯或臨流放歌忽然而起忽然而止無戀為本無相
為宗人皆目之為痴洞明弗辭也嘗言平生良友唯江

右邵雪崖卒其徒陳善道慕道來訪洞明與談老莊宗旨響振金石咸謂洞明非痴洞明亦弗辭也有叩以延年冲舉之術者不應惟勸人行陰陽廣施與咸謂見道之言洞明亦弗辭也洞明性敏而多才藝發語恒出人意表而外若無知識者未嘗求伸於不知已人亦無以測之已南遊洞庭西陟華嶽歷天台雁宕訪丹山之赤水洞天歸築蓬萊軒偃息王鎔為之記未幾忽逝時嘉靖四十五年也

余起龍字清所邑東大都人出家郡城報德觀少右

行署儀部隆見而異之與語每稱善時邑道觀主者
守山之羨土悉歸勢家神宇剝落見者惜之里人童
楊錫卿詣郡屬其事於起龍辭焉童楊二人請於儀
與邑諸紳延起龍入觀起龍舉目蒼涼嘆曰此豈一時
所能經理耶儀部亦為悵然萬曆乙丑龍郡丞德孚以
署篆至睹歎圯狀太息久之九月儀部抵邑郡丞與言
斯觀廢墜儀部脩述所由嘖嘖稱道起龍道行郡丞捐
金倡興工木主之者起龍董其事者童球楊錫卿士大
夫所稱潔已奉神民之良也郡丞知人善任復捐俸命

童楊二人贖山地於縉紳立石定界歸起龍耕作又命
二人監督而伸之以示俾令遵守自是神有寧宇食有
饘粥起龍拜郡丞之賜樂儀部之維持嘉童球楊錫卿
之好義無方益勵乃志律乃身鐘鼓之聲時時呼應山
頭紫氣而且讀道藏書窮三清之奧遊六學之津精進
勤修道化弘遠遠近呼為煉師而不名重其接物以誠
執事惟敬也天啟乙丑卒甲乙相承迄今未有艾云
姚泰來字奕先邑人幼入觀師王守玄已而棄去守玄
字惟默師胡應祥應祥師靜宇張紹龍紹龍師余清所

龍山清道齋元卷二
三
自余清所至守玄凡四世玄少不能治事兄心吾代主
之守玄早卒心吾不忍去泰來復入心吾令為協理心
吾勞瘁一生有功於觀歿泰來主其事甘苦與共施不
望報道範為時推重志興土木老而未逮康熙丙辰逝
年六十一



陳法真字子虛鄞人童時頭患惡疾遇道者曰孺子怪
哉合地生災我若不來必成大害法真曰先生善醫曷
為我治之道者令取食鹽石杵備用法真歸持二物與
之道者隨手取草數莖入臼和鹽搗爛納患處且告之

曰世事茫茫無盡期勸君休要著羅衣若能潛體隱山
澤自有碑銘上玉墀牢記牢記三日後吾當踵門索謝
忽不見法真歸未至家疾愈越三日具餐以俟闕無至
者里中老人語其父曰惡疾不藥而愈所遇乃仙也此
子丰骨不凡他日可以入道已而法真果有遺世之志
入觀師姚恭來叅受經法以夙慧過目了了長而搜訪
真秘遇旱潦厲疫之為民物害者仗劍作法呼召祈禱
罔不應咸稱其有異授云法真修髯廣額聲若洪鐘雙
眸炯炯如電居山中數十年雖兒童皆得其歡與人交

音山... 卷之...
樸直無城府康熙庚申卒時五十有五遺言童時所遇
道者乃玉陽王真人也

官

桂芝瑛字含枝邑人機警軼倫長於言語順治間戎馬
往來從容處之康熙辛酉與徒張繼祖鳩工興作建嶽
殿歷丙寅未觀成而卒年五十有五蓋儒而隱於黃冠
者也

江

張繼祖字汝繩別號梅坡道人世居邑東新堰年十二
師事桂芝瑛芝瑛師陳法真法真師姚泰來泰來以繼
祖器宇不與凡兒伍謂芝瑛曰此子他日必能為斯觀

建立事業惜吾老不及見耳已而恭來歿神宮凋敝繼
祖相度形勢請於芝瑛曰崇卑廣狹非變通前制無以
肅觀瞻而計永久芝瑛稱善遂經始焉培土廓基輦石
增級聚工師陶冶之良奠嶽宮於中右列佑聖星官之
闕左啟雷祖藏經之殿改山門為樓易後殿為閣圖畫
廳四方所觴咏也為高其閤閣文昌閣遠近所瞻仰也
為隆其棟宇他如法堂丹室賓館書樓庖庫禱寮與享
祀之需饘粥之資巨細罔不具咸謂其先姚恭來稱他
日建立事業之語不爽繼祖焚修道教有令名舉司道

會當事贈額表揚其美四方水旱疾疫延繼祖禱請罔
不應好淡泊粗糲自奉敝衣縫紉百結走道上無愧人
之色宋葉景虛明曹秉忠王智靜而後所僅見者紳士
大夫各有記雍正癸卯病篤以觀事屬其徒馮守恒主
之而歿年七十有八

附塚墓

斯觀歷代葬墓不可殫紀今采功行尤著者勿論本山
各山并錄之

提點葉景虛墓

浙

王

圖

提點曹秉忠墓

提點王智靜墓

提點俞守真墓

提點吳以誠墓

提點刁曰良墓

提點洪道清墓

提點曾道昕墓

提點顧洞明墓

提點顧惟靜墓

浙江圖書館

提點邵德彰墓

提點姚洞真墓

提點沈德明墓

提點刁德榮墓

提點顧德昭墓

提點尹德遙墓

提點王大統墓

提點吳本立墓

提點孫茂德墓

浙江圖書館

提點錢一鳳墓

以上俱葬宮山內

道會余清所墓

在邑東六都田內
有石坊名余家墳

山人張靜宇墓

在宮東
竹山

山人胡敬所墓

在宮東
竹山

羽士王心吾墓

在宮東
山井左

山人王惟默墓

在宮東
山井左

道會姚奕先墓

在宮北西側邑人
劉勳題高山古蹟

法師陳子虛墓

在古
蹟內

宮

書

圖

江

山人桂含枝墓

在古蹟內

道會張汝繩墓

在古蹟內



浙江圖書館

附道友墓

熊敬松

童士美

何明山

錢敬宇

夏明初

陳大倫

陳啟雲

林仲生

龍山青道觀志卷六 修真

浙江圖書館

信

音山... 卷之...

林瑞明

李漢儒

馮有成



浙江圖書館

三

龍山清道觀志卷七

東溪山人劉天相吉士編

龍山嗣法馮守恆心一校

饗祀志

書

東嶽廟鎮邑境本山興作之役邑水旱疾疫之虞靡不
禱請於神雖有以疏以文之異而大敬於神則一即為
引為銘為贊亦莫非道揚休美之意蓋神之為功於人
者大也志饗祀

疏

龍山清道觀志卷七 饗祀

三

清道觀大殿上梁疏

國朝 年大寅

維

館

康熙二十年歲次辛酉十一月二十五日鎮守浙江等處駐劄定海總兵年大寅謹以剛鬣柔毛之奠敢昭告于

圖

東嶽聖帝之前曰伏以云亭禪嶽柴望秩於虞書恭岱名宗廟祀隆於漢室惟聲靈之赫濯無遠弗臨斯樓殿之翬飛奉神唯謹恭惟 浙

大帝行宮自唐天寶以來代興創造歷明萬曆而後歲

久朽頽志慕重新豎柱仲冬之吉躬逢再造上梁廿五
之辰紫殿常輝鎮金城而毓秀丹崖長峙環綠水以同
流物阜民安共享昇平之樂河清海晏永弭寇盜之虞
敢告

神鑪告成疏

張繼祖

維

康熙二十三年二月朔日清道觀住持張繼祖敢昭告

于

東嶽大帝之前曰伏以佳氣氤氳迓休聲於霄漢瑞煙

繚繞壯彩色於山川表岱與華嶽而俱尊金鑪借雷鼓
以並重聿新宮殿用飭觀瞻自殫志於去年幸告成於
茲日自此芳馨不斷鍾靈秀於千春從今薰沐無疆霽
光銜於萬古敢告

道藏告成疏

圖

張繼祖

維

康熙三十年歲次辛未八月望日清道觀住持張繼祖
敢昭告于

浙

江

東嶽大帝之前曰伏以道生二炁著上開下闢之功輪

轉千秋涵地軸天衡之體微言未聞恐迷徹於襄城遺
址父河慮傷心於茂草爰鳩工於巳巳遂樂成於辛未
重新寶殿慶金碧以輝煌遠購真經喜珠璣而燿燦仙
壇夜展異同鈴說危言法藏光浮不滅赤文綠字合三
十大部以不朽閱百千萬載而無疆敢告

文

祈雨文

宋沈時升

維

浙江

宣和六年歲在丙辰六月十五日慈溪縣知縣沈時升

謹致祭于

東嶽聖帝之神今歲自五月迄今旱魃為虐河渠池井
盡涸稻禾漸萎惟時升司收是方惟神血食茲土雨澤
不降民罹凶荒固縣令不職所致神於吾民忍不陰佑
耶仰啟神休默相玄造大沛滂沱普救民厄庶神於民
大顯其靈民於神深沾其惠謹告

祈保疫疠文

明龍伯

維

浙

成化二年歲次丙戌六月二十七日慈谿縣知縣龍伯

敢昭告于

東嶽聖帝之神曰始邑罹旱虐伯請於神神沛然降之
雨澤伯之獲佑於神神之嘉惠於民者至渥也邇復沴
氣流行死亡載道而伯莫之省憂豈稱為民父母者在
神心不厭伯之瀆轉禍為福易危而安神之澤伯之幸
也倘以民之失德其罰無赦神寧降殃於伯伯無所避
神其鑒之尚饗

祈晴文

浙

龍德孚

維

萬曆十七年歲次乙丑八月九日寧波府同知署慈谿
縣事龍德孚謹致祭于

官

東嶽聖帝之前曰惟帝尊居震位化贊乾坤禦災捍患
秋肅春溫茲者愁霖彌月雷雨連旬江湖漲溢阡陌淪
湮陽和淹藏收成莫必日擊時艱憂心慄慄虔請於帝
掃蕩風煙撥雲見日食報無邊謹告

代何邑侯祈雨文

國朝劉成郊

維

浙

康熙二十四年歲次乙丑七月朔日推官改授慈谿縣

知縣何深謹致祭于

東嶽泰山之神曰惟神自唐天寶迄今生財未寶貨產
賢人君子其有益於邑非一日矣每遇旱乾水溢致禱
於神神必應其所求亦非一日矣神為一邑之望凡奉
牲醴粢盛以告於神者皆斯邑之人也神之施愛宜乎
莫緩去年三冬無雪民猶冀有春之雨也及春雨不時
二麥歉收民猶冀雨於五六月之間而秋可成也六月
初旬禱雨於風雲雷雨及城隍諸神連日微雨禾稼少
甦亡何至今乃復不雨是皆縣令怠政故降之罰謹走

告於神神之惠於天下者大而况慈邑一雨之賜乎慈
民之疾病災患皆有望於神而况旱而民將饑而死乎
惟神聽之早降甘霖拯斯民於垂死之餘則神之靈將
配天地於無窮琛亦有辭於民矣謹告

祭郡丞龍公文

圖

明揚鶴

維

王

萬曆四十年七月望日巡按浙江監察御史愚甥楊鶴
致祭于

浙

戶部員外郎原任寧波郡丞玄扈龍公之祠曰嗚乎先

生之去四明若而年矣四明之人思先生如一日也先生以一郡丞佐理郡事署鄞邑則有惠政於鄞署定海則有惠政於定署慈谿則有惠政於慈而且澤及於慈邑之龍山清道觀邑西之大寶山夫惟視民如子然後視國如家然後視一日之計若百年之計甘棠之頌所以勿替也愚甥以簡書之役來按此邦自縉紳迄父老歆歔流涕無不追頌先生之德先生有祠在慈邑龍山道院格於官守几筵棖楠不能親往洒掃謹遣郡別駕林懷永祭先生為先生飭祠宇肅烝嘗先生有靈或來

音山江...
享之

祭郡丞龍公文

擬補
闕遺

館

國朝
劉天相

維

某年某月某日

某謹以清酌庶饌之儀致祭于

明誥贈正奉大夫陝西左布政使前寧波郡丞武陵龍

公之前曰維公施澤明州流芳慈邑荷栽培於道院派

衍香燈肅儀像於仙宮化傳甘雨恭際懸弧之旦欣逢

降嶽之辰章雲漢於山中思深畏壘祝岡陵於天上酒

奉瑤池莫罄服疇食德之忱用展飲水知源之義以

明護法

童公

楊公

重興道觀余公

配尚

饗

九月六日為明郡丞龍公誕辰道會余清所追感功德以特羊稱祝延護法紳士主祭 國朝順治間增設明護法童公球楊公錫卿配祭先是龍郡丞捐資

江圖書館

命二人葺宮殿贖還山地屢著勤勞故耳余公清所

併配

館

引

玉清真王雷聲普化天尊引

張繼祖

伏聞道本無形豈因繪形飾像人須見物方能隨物興
心此雷祖之像所由設也昔龍漢之初年浮黎之始劫
虛無之表混沌之先浩氣結成太乙下降謂之玉清神
母元君化生九子長曰元始天尊末曰神霄真王真王
應九元之運總九炁之真而神霄乃九霄之上霄為九

清之玉清蓋五雷之總司也元氣未判未始有雷太極
既開遂分陰陽陰陽之氣結而成雷其中有神主之則
神霄真王也為五雷之祖普九天之化化十方之形披
黑髮騎麒麟赤脚躡層冰之上雙手把九天之烝鞭雷
霆攝魔精濟渡幽魂利益衆生大則日月星辰霜雪風
露之數小則山河草木昆蟲鳥獸之名皆隸於天尊善
者賞惡者罰發號施令而兼掌生殺行恩布威而自為
榮柘伐逆崇制凶星而萬神莫不稽首群物咸為聽命
神霄真王總其職天尊行其事而助威宣化者為雷公

揚光布澤者為電母雷部中之椿管回生者為陳元帥
斬妖驅祟者為張元帥此皆代天宣德利濟群生而為
世人之所宜崇奉者也嘗覽九天大法琅書云能參五
雷大法者兵隨印轉將逐符行代天行化佐國救民而
明天威顯揚道法在乎信心有道之士謹脩述焉以望
虔虔奉行者

道藏經引

張繼祖

竊聞鴻蒙未擘混沌未分萬神藏乎中三炁包乎內妙
體發見真一挺生難狀難名謂之元莫知其初謂之始

恢弘萬道開闢諸天於億劫中闡玄元教演諸天秘藏
說無極大道元始為道德宗主玉晨為靈寶教主玄元
老君為傳經教主名曰三寶洞真寶經洞玄寶經洞神
寶經各二十部又名三乘尊經共計一百八十八萬五
千四百六十卷皆是龍章鳳篆玉字金書字方一丈八
角垂芒天真皇人秘於上清玄都金闕七寶瓊臺及紫
微上宮蘭房金室東西華堂九天太霞之府即名道藏
世莫得聞逮赤明開圖大浮黎土道君宣演皇人二儀
由此覆載兩曜由此運行萬物由此發生百神由此變

化顯教傳世乃時方知有道藏之名第經雖傳而字跡
不曉至漢武帝時改書今字故道藏尊經靈寶大法並
從漢制繼祖閱道藏中尊經名曰太上洞玄靈寶無量
度人上品妙經是洞玄十二部之中一帙也用之於身
則益壽長年修之於家則爾熾爾昌行之於國則民安
物阜於天下則河清海晏自誠意修身以至於治國平
天下無乎不可且天下無二道聖人無二心大易一書
多合度人之旨經曰元始祖劫化生諸天易曰易有太
極是生兩儀經曰五立開廓易曰五位相得經曰無文

不生無文不成易曰乾道成男坤道成女經曰萬範開
張易曰萬物生化至於言禍福應變吉凶悔吝與夫贊
天地化育知鬼神情狀皆了然符契於末則靈書六十
四句准易象六十四卦推而言之三教聖人其言未嘗
不合老子曰窮神知化致命造玄孔子曰窮理盡性以
致於命釋氏曰解空悟理見性成佛老子謂之常道孔
子謂之中道釋氏謂之圓覺先聖後聖總歸一道而度
人經乃玄都秘典非世所有說莫能盡至於別經秘奧
亦何能殫述也耶

銘

鐘銘

官

國朝周時中

體則含空研磔鑑旬遶林震谷徹夜矐矐舍剛則敞非
空胡洪把真還虛玄妙之宮

雲板銘

圖

制由編磬方響為一依我磬聲進退惟節靜地鳴金山
清泉咽朝暮頻催分音知惜

贊

浙

道藏乾宮贊

周時中

一元初闢肇希夷道烝彌羅結紫微太極玄中開倚杵
遐荒域外識撐犁性叅造物原無兩心具河圖亦有竒
不息三車從此健純陽何事得生醫

坎宮贊

書

天一生來動若環自行潤下豈知閑不歸滄海能滋物
得返瑤池可駐顏六氣朝時飛玉液百川子半轉玄關
尾閭不閉潮生浦既濟功成丹幾還

艮宮贊

浙

不動如如九烝完月明山曲照蒲團龍吟虎嘯何非靜

音山清道藏卷八
神馬尻輿摠入玄定後不嫌心寂寞空中常覺意嶮
多岐原是亡半術太極收來功自圓

震宮贊

物遇春雷甲欲排一元初動氣如孩陰陽徃復光重現
晝夜迴環候自來紫葢不因春色好黃芽豈待露華開
養成郊郭超玄外始識苞符有聖胎

巽宮贊

丹永精瑩滓已無常將巽所植紅爐由來不起音蘋末
到此能培明月初遠助陽功分品類長存火性育醍醐

直須九轉功成日御氣霄行入紫都

離宮贊

兼綜庶職是君君何事
中宮一畫虛炎上直將乾體漏
遂提還補坎宮直藥成鉛瀆為丹竈
路別天人是意與
若識玄中旋轉訣朝元歸極豈非藥

坤宮贊

一炁相生熬柱浮蒼茫九點辨齊州
目覩滄海常千易
氣運黃爐日四遊
姤女含精成大地
玄嬰得育是丹邱
若知萬物從茲始
到處春光奉欲流

允宮贊

金剛體脩號全真不壞常明絕點塵
玉宇逍遙雲自在
鏡臺朗耀月無垠
斷除煩惱花生頂
掃却波旬劍被身
欲學丹書長吐納
須從華蓋識真人

浙江圖



浙江圖書館

沈寶登

全剛體術執金真不與常
地無塵三半道過雲自在

鐵壁巖西月無塚斷除塵
花生頂掃劫波旬刺彼身

欲淨丹臺長山仙
我輩真人



浙江圖書館

浙

別讓圖書逾期、損壞

- (一) 借閱此書須愛護，不得在書內塗寫。
- (二) 損壞或遺失，應賠償同樣書籍，難以購得者，須加倍賠償。
- (三) 借閱以二星期為限，遇必要時得續借一星期。
- (四) 逾期不還，停止借書權兩星期。
- (五) 此書如需用時，本館得通知借者須即繳還。

2091343-4




圖書是社會主義財產



浙江圖書館

丙

30



浙江圖書館



915.1244
20541

浙江圖書館

丙
20

